



## Universitätsbibliothek Paderborn

**R. P. Sebastiani Henrici Penzingeri, Consistorialis  
Passaviensis, Decani, & Parochi in Trauttmansdorff ad  
Laitam Bonus Ordo Triplicis Formatæ Concionis Moralis In  
Omnia Festa Sanctorum In Amplissima ...**

**Penzinger, Sebastian Heinrich**

**Solisbaci, 1698**

Concio Prima. Textus Evang. Excepit eum in domum suam. Lucæ 10.  
Thema. Convenit sacrum corpus B. V. assumi in cœlum.

[urn:nbn:de:hbz:466:1-51763](https://nbn-resolving.de/urn:nbn:de:hbz:466:1-51763)

\* \* \* \* \*

# INFESTO ASSUMPTIONIS B. V. MARIÆ.

## CONCIO PRIMA.

*Excepit eum in domum suam. Luce cap. 10.* Textus.

Conveniebat sacratissimum corpus M A- Thema.  
RIÆ incorruptum, ad cœlos assumi.

**V**um rore plenum quâdam naturæ vi, à radiis solari- Exordium.  
bus in aëra sublevatur; Academicus ovo sub solis  
fulgore in aëre suspenso, epigraphen subscriptis:  
*Quia rore plenum.* Quod ovum à terra in aërem  
attrahit, & quasi sursum ascendens, oculis conspi-  
ciatur, causa est; quia rore plenum est, quem solis radius lam-  
bens, una levem ovi corticem attrahit, sursum levat: MARIÆ  
Virginis corpore in cœlos assumptæ, hoc ectypon est: hæc est ro-  
re gratiarum divinarum plena, & superplena: *Ave*, inquit S. Hiero-  
nimus tract. 9. ep. 10. ad Paulam & Eustochium, *ave gratia*  
*plena, & bene plena, quia cœteris per partes præstatur, Maria*  
*vero se tota infudit plenitudo gratiae.* *Ipsa est vellus Gedeonis.*  
Judicium 6. madefactum rore gratiarum, scribit Richardus à S.  
Laur. lib. 1. c. 8. Rore gratiarum plenissimum corpus, hodiè  
Sol Iustitiae, Christus JESUS, in aëra attrahit, in cœlum assumit.  
*Ascendit de deserto deliciis affluens innixa super dilectum suum.*  
Canticorum cap. 8. Audiamus Patres: *Quæ jure suo Christo Patres*  
debentur, ex privilegio in Matrem Virginem extenduntur, si à  
labe culpa originalis illam necdum Matrem servavit, ergò etiam  
à corruptionis verme, & fætoris incineratione, scribit Salmeron  
tract. 38. & antecedenter tractatu 37. habet: *Ut Christus ex-* Salmeron.  
*(Y) 2 tremum*

tremum resurrectionis diem non expectavit, sed tertio die gloriam corpori impertivit, ita S. suam genetricem postremum diem resurrectionis per singularem Dei gratiam, id est, in ipso conceptionis momento preservata, ne ulla peccati labo contaminatur, & sicut preventa est in usu liberi arbitrii accelerato, (ut S.

S. Bernardus docent.) denique sicut ab ipsa incarnationis mysterium, atque aqua in vinum converse miraculum suis meritis, & precibus anticipavit, ita etiam in corporis sui resurrectione preventa est a Christo in benedictionibus dulcedinis. Sanctus Bernardinus Tomo 1. Serm. 52. ad

S. Bernardin. 1. in illud Psalmi: Non dabis Sanctum tuum videre corruptionem, ita habet: Sicut non dedit Dominus videre corruptionem, id est, Christum, sic & Sanctam suam, de qua natus est Sanctus, sed corpore & anima cœlum assumpta est. Pariformiter Ilde-

phonsus Serm. 2. de Assumpt. Nec dum sacratissima Virgo post Domini ascensionem in terra potuit remanere, quam desiderabant Angeli, cœlum etiam ipsum de ejus ascensione querebatur, atque ideo Spiritus Sanctus invitabat, dicens: Veni columba mea, immaculata mea. Nervosè S. Augustinus Tom. 9. lib. unico

S. Augustin. de Assumpt. Tanta sanctificatio dignior cœlo est, quam terra, thronum Dei, thalamum Domini, domum atque tabernaculum dignum est ibi esse, ubi ipse est. Tam pretiosus enim thesanus dignus est cœlo servari, quam terra, tantam integritatem meritò incorruptibilitas, non putredinis aliqua resolutio sequitur. Amorosè affatur B. Virginem Andreas Cretensis de Dormit.

Deip. cap. 7. Quodnam sepulchrum te teget, quam te terra accipiet, quæ cœli calorum naturam superasti sanctitate, quibunam unguentis ungent tuum corpus, ex quo emanat immortalitas, ex quo Deificatio, ex quo perfectio. Sicut corruptus non fuit Mariae parentis uterus, ita mortua caro non interierit. Pariformiter S. Germanus Serm. 2. de dormitione Deip. Tuum cor-

S. Germanus, pus virginale, omni ex parte sanctum, ereptum ad summam incorruptionis.

Andreas  
Cretensis.

corruptibilitatem vita, illæsum, vivum, spirans, perpetuò impo-  
serum indemne servatur. Finio cum S. Joan. Damasceno de  
Assumptione incorrupti corporis B. V. sic scribente: *Ubi pre-*  
*ciosus ille thesaurus, qui vitam suscepit? ubi novus liber, in quo*  
*inenarrabili modo Deus Verbum, omnem manus operam inscri-*  
*pis est? ubi gratia abyssus? ubi sanationum pelagus? ubi fons ille,*  
*ex quo vita orta est? quidnam eam in sepulchro queritis, que ad*  
*cælestia tabernacula electa est. Mariam corpore & animâ in*  
*cœlum esse assumptam, DEI gratiâ invocatâ Conceptibus*  
*probabimus.*

## CONCEPTUS I.

Dimicante Josue contra Gabaonitas, ut consummaret victori-  
am, sol aliquot horis immobilis stetit, & luxit solito diutius. Jo-  
sue cap. 10. Stante sic sole, stetit & luna: *Sol & luna steterunt*  
*in habitaculo suo.* Habacuc cap. 3. Cur luna stat, stante sole?  
Scopus & finis Josue hic fuit: ad victoriam contra inimicos ter-  
minandam, cum sol jam ad occasum declinabat, dies fiat produc-  
tior, & longior; stetit ergo sol, ut cupit, ac intendit Josue, diem  
ad victoriam terminandam, ad hostes profligendos, ad spolia  
congreganda, solito longiorem obtinet, ultra ordinarium cur-  
sum, horis aliquot, sol lucet, ac splendet: ad quid ergo & luna  
stetit? supervacaneum videtur, quod & lunæ cursus cohibeatur?  
Notate: Solem habere lunam comitem motus, currit sol, pro-  
greditur & luna, sic ut sol diei, luna nocti præsit, & luceat; quia  
nunc luna comes est solis motus, & laborum, stante sole, stat &  
luna, particeps laboris & oneris, fit & particeps quietis, & feria-  
tionis. Hoc notato progredior ad argumentum Thematis:  
Christum JESUM, vocat Propheta Malachias cap. 3. Solem Ju-  
sticie: *Et orietur vobis timentibus nomen meum, Sol Justitia,*  
*& Sanitas in pedibus ejus.* S. Maria Virgo sèpius luna intitu-  
latur: *Pulchra ut luna,* Cantic. cap. 6. Egregiè S. Bernardus  
in deprec. ad B. V. *Tu pulchra ut luna diceris, eiique non im-*

*Confirmatio.*

(Y) 3

merito

merito compararis, ea enim omnium astrorum sola sola simili-  
ma comparatione, & candore venusta argenteo, ceteris in celo  
præmitat sideribus &c. Conformiter Bernardinus de Buto  
in Mariali part. II. fer. 2. Appellaris in Canticis pulchra ut lu-  
na; quemadmodum enim luna lumen à sole recipit, receptum  
que reflectit in terram, ita tu à Sole Justitia, tuo dilectissi-  
mo Filio illuminaris, (nam revera lucerna tua est Agnus)  
lumenque receptum in mundum reflectis. Stetit nunc Sol  
Justitiae, Christus JESUS, quietem, & feriationem agit, dum  
ascendit in cœlum, sedetque ad dexteram Patris, stat & luna  
Maria Mater, corpore ac animâ è terrâ in cœlum assumpta est,  
ut quæ socia fuerat motus & laboris, socia sit & quietis, ac  
feriationis; socia quæ fuit dolorum, & ærumnarum, socia sit &  
gaudiorum, & latitiarum. Huc videtur loqui doctissimus Sal-  
meron tract. 28. *Victoria trophea contra naturam à vera DEI*  
*Mater erexit;* & imitans Filium tuum, tuumque officium  
omnes naturæ leges supergrederis; quare semel verè mortuus, po-  
stea cum Filio semper victura fuscitatis.

## CONCEPTUS II.

Job. 28. cap. Deum avem intitulat: *Semiram ignorat avii*:  
in specie cum Joanne Racilino Serm. 7. in Ascens. Christum DEI  
Filium Ciconiæ comparavero: sed cur Ciconiæ? De Ciconia ex-  
perientia constat: parentem senio consecutam in humeros suscep-  
re, & in aliam ferventiore regionem transportare; pulchro  
carmine describit Alciatus, emblemate 30:

Nec

*Aereo insignis pietate Ciconia nido,*  
*Investes pullos, pignora grata fovet;*  
*Taliaque expectat sibi munera mutua reddi,*  
*Auxilio hoc quoties mater egebit anus.*

*Nec pia spem siboles fallit, sed fessa parentum  
Corpora fert humeris, præstat & ore cibos.*

Haud aliter Christus, DEI & Mariae Filius, ut Matri pro sibi impensis charitatis officiis gratissimus esset, mutuaque vicissim munera rependeret, fessam matrem membris indutam, cum sacro corpore ex hoc terreno climate in coeleste porravit, ut quæ piissima parens puerum filium, in utero, in ulnis, & brachiis gestavit, sic & ille ipsam ad supernam, & serenam regionem deduxit, ut cum ipso quiesceret, quæ cum ipso laboraverat, gauderet, & lætaretur, quæ propter ipsum dolores tulit & ærumnas. Ita S. Gregorius: *Illa natura, cui dictum est, terra es, & in terram ibis, hodie in cælum ivit, pro hac ergo nostra carnis sublevatione, B. Job Dominum avem vocat.* Non inepte B.V. in cælum assumptæ hoc Distichon, quod Christophorus Fornottus S. Marthæ dicavit, subscribo:

*Cepisti hospitio mortali in corpore Christum,  
Is cœlesti tibi reddidit hospitium.*

### CONCEPTUS III.

Arcam illam, quæ intra se tabulas lapideas, quibus lex Dei incisa erat, continebat, Deus ab omni carie immunem præservari, & cum summâ veneratione in Sanctuario custodiri voluit, nullâ ratione permittendo, ut exposita esset quibusunque injuriis temporum: legatur liber Exodus cap. 25. & lib. Numerorum cap. 4. *Arcam de lignis Sethim compingite &c. deaurabis eam auro mundissimo, intus & foris.* Exodi 25. *Deponent velum, quod pendet ante fores, involventque eo Arcam testimonii, & operient rursum velamine hyacinthinarum pellium, extendente desuper pallium totum hyacinthinum.* Num. cap. 4. *Arcæ Dei est MARIA:* ita S. Ambros. Serm. 25. *Arcam autem, quid nisi MARIAM dixerimus.* Et S. Gregorius Thaum. Serm. 1. de Assumpt.

Afflumpt. Verè enim Arca est sanctissima Virgo, intrinsecus, & extrinsecus deaurata, quæ universum sanctificationis thesaurum suscepit. In hac Arca non legis tabulæ, sed legislator ipse, non manna, sed panis vivus & cœlestis, non virga Moysis, vel Aarons, sed prodigiorum perpetrator Deus asservatus est, quanto igitur magis privilegium istud Mariæ debebatur, corpus sacratissimum à carie immune permanens summâ veneratione in Sanctum Sanctorum, in cœlum assumptum, pretio charitatis Fili, undique inauretur, hyacinthinis gloriæ involucris, æternum fratur. *Hæc Regina potens*, verba sunt S. Thomæ à Villan. Contra in Assumpt. non Angeli, aut Archangeli, non etiam Cherubim, aut Seraphim alicujus manibus, sed innixa super dilectum Da filium, & Principem cœli, cum incredibili pompa, & triumpho supernam civitatem ovanter ingreditur. Aureè S. Damascenus Orat. 2. de Dormit. V. Ad eundem modum ob requiem spiritus Arcæ ipse novus Salomon Christus, dum mundo sublimiora cœlestium mentium ordines, dum primarios novi Testamenti viii Apostoloros, unâ cum universâ plebe Sanctorum per Angelos introducit, corpus autem Apostolorum manibus portatur, Rege Regum invisibili sue Deitatis splendore illud contegente.

#### CONCEPTUS IV.

Aquaæ universalis diluvii, non solum ullum Arcæ damnum intulerunt, neque eam submerserunt in profundum aquarum, prout aliis accidit tot mille hominum corporibus, sed potius diccam in sublime levaverunt: Porro Arca serebatur super aquas, Genes. c. 7. Quanto major decidebat pluviarum copia, tanto Arca cœlum versus sublimius erat evecta. S. Hesychius hom. de Deipara, Mariam Arcam intitulat: *Arca Noë latiorem, longorem, illustriorem*; illa erat Arca animalium, hæc autem Arca vita incorruptibilis; illa ipsum Noë, hæc verò ipsius Noë factorem portavit; illa duas, aut tres conflagnationes, & mansiones habet.

bat, *hec autem universum Trinitatis complementum.* Huic Arca Mariæ, aquæ sive culpæ originalis, sive actualis, quæ cunctas alias animas in profundum mortis demerserunt, nullum dampnum intulerunt, non deprimebant, sed elevabant super: *Porrò Arca serebatur super aquas.* Hunc Paradisum, inquit S. Anselmus Serm. de Assumptione, *aqua diluvii non contigerunt, quia MARIE sanctitas altior est, quam peccati inundatio attingere possit.* B. Virgo elevata fuit per eminentiam sanctitatis, scilicet propter exuberantiam gratia, sublimitatis, & sanctitatis. Multiplicatio enim aquarum in Arca, denotat gratia plenitudinem in MARIA. Haec autem aquæ elevaverunt Arcam, in quâ salvatum est universum semen generationis electæ in sublime è terrâ, id est, ab omni terrenitate, & amore infecto. Dixit autem in sublime, quia ad hanc puritatem, & munditiam nulla pura creatura ascendit, non Angeli, nec Virgines, nam Angeli habent munditiam tantum in mente, Virgines in mente & carne, B. Virgo cum quâdam utriusque perfectione super omnem creaturam elevata est in sublime. Sic perorat S. Bernardinus Senens. Serm. de Assumpt. art. 1. c. 1. Nobilissimè Richardus à S. Laur. lib. 10. de laud. B. V. Dicitur ergo, *surge Domine in requiem tuam, tu & Arca sanctificationis tua; tu per ascensionem, illa per assumptionem, hac enim Arca, quando assumpta est, surrexit in requiem Domini, & impletum est illud Genes. cap. 8. Requievit Arca super montes Armenie.*

## CONCEPTUS V.

Dilectus satetur Cantic. cap. 1. *Lectulus noster floridus, tingua domorum nostrorum cedrina, laquearia cypressina.* Quæ hæc domus? quæ laquearia? Respondet Alanus: *Domus hæc corpus Christi, & Virginis.* Cedrina hæc domus dicitur, & cypressina; cur cedrina? De cedro scribit Plinius lib. 13. cap. 5. *Materie ipsi aeternitas, itaque & simulacra Deorum ex eâ facta sunt.* Academicus Pars II.

(Z)

demicus

demicus addit Lemma: *A putredine tuta*: Duas qualitates in cedro invenire est, non putrefit, non corruptitur, & in excelsis ac summis montibus invenitur. Cypressum describit S. Ambrosius in Psal. 118. *Genus hoc arborum nunquam amittit virditatem suam, nec diverso colore mutatur, solam hanc arborem ventus nunquam suo honore dispoliat.* Cedrinum, cypressinum, à dilecto corpus B. Virginis dicitur: ac unā simul indicatur, fratissimum hoc corpus viorem semper conservasse, in pulvrem & cinerem non contabuisse, sed incorruptum ad altos caelum montes in gloria esse assumptum, ita concludente Dionysio Cartus. Per domos istas possunt intelligi corpus virginicum sancta Matris, & corpus salvificum Unigeniti ejus, siquidem caro Christi non vidit corruptionem, nec ambigitur, quod Filius ille omnipotens naturaliter bonus ac pius, amantissimam, ac fidelissimam Matrem suam, tam corpore, & anima assumperit ad gloriam. Concludente pariformiter Sancto Bernardino Senens. Tom. I. Serm. 52. art. 1. *Sicut non dedit Dominus fructum, id est, Christum videre corruptionem, sic & Sanctam suam, de qua natum est Sanctus, sed corpore, & anima in celum est assumpta.*

## CONCEPTUS VI.

Exodi 20. tradit Deus Moysi formam, fabricandi Altare super quod sibi victimae & holocausta sint offerenda: *Altare de terrâ facietis mihi, quod se Altare lapideum feceris mihi, non adificabis illud de sectis lapidibus, si enim levaveris cultrum super eo, polluetur.* Cur quæso Altare illud de lapidibus dolatis prohibuit ædificari? Certo decentius videtur, lapides poliri, antequam in Altari ponantur, quam ex impolitis construi. Nihilominus Majestas illa summe veneranda, Altare solum ex impolitis ac indolatis lapidibus construi præcipit, cur hoc? Unam causam ex Rabbi Abraham adfert Cornelius: *Deus omnino lapides Altaris levigari, aut poliri, & omnino attingi ferro vetuit, quia nefas erat eorum lapidum, qui ad rem tam sacram erant addi-*

*bend.*

bendi, particulas scalpello abrasas in terram, aut sterquilinium decidere. S. Gregorius h̄c per victimam gratissimam Deo Patri, unigenitum Dei Filium intelligit, per Altare vero B. Virginem Mariam, in cuius visceribus carnem assumpsit, ac in sacrificium libavit. Si nunc cavebat Deus, ne particula ex lapidibus, de quibus exfruebatur Altare, abrasae in terram caderent, ac pedibus conculcarentur, quia conjunctae fuerunt lapidibus sacris; quanto magis Deus præcavebit, sacratissima ossa Virginis in terra non jacerent, sed Angelorum manibus in coelum viva transportarentur. Ita S. Germanus Serm. 2. de dormit. Deip. *Tuum virginale corpus omni ex parte sanctum, erectum ad summam incorruptibilitatem vitae, illesum, vivum, spirans, perpetuū, imposterum indemne servatur, ut vas, quo Deus exceptus est.*

Honorando Mariam in cœlos anima & corpore assumptam Epilogus.  
imploremus, trahe nos post te, in odorem cur-  
remus unguentorum tuorum.

Amen.



(Z) 2

IN FESTO